



SLUŽBENE NOVINE

KANTONA SARAJEVO

Godina XIV – Broj 29

Četvrtak, 22. oktobra 2009. godine
SARAJEVO

ISSN 1512-7052

KANTON SARAJEVO

Skupština Kantona

Na osnovu člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), Skupština Kantona Sarajevo, na sjednici održanoj 22. oktobra 2009. godine, donijela je

ZAKON

O IZMJENAMA I DOPUNAMA ZAKONA O SUDSKIM TAKSAMAMA

Član 1.

U članu 9. Zakona iza stava (3) dodaje se stav (4) koji glasi:

(4) Obaveze dostavljanja dokaza o plaćenju sudskoj taksi prilikom podnošenja podneska u sporovima male vrijednosti oslobođeni su javna preduzeća, ustanove i službe čiji osnivači su organi iz stava 1. tačka a), b), c), d) i e) ovog člana. Plaćanje sudske takse pada na teret one strane koja nije uspjela u sporu. Sudska taksa u ovim sporovima se plaća u roku od 8 dana od dana pravosnažnosti sudske odluke, a ukoliko se ne plati u tom roku prinudnoj naplati sudske takse pristupiće se u skladu sa odredbama ovog Zakona.

Član 2.

U tarifi sudskih taksi u odjelu DIO PRVI, PARNIČNI I IZVRŠNI POSTUPAK, Tarifni broj 1. (taksa za podneske) u tački (7) riječ "tužbu", zamjenjuje se riječju "žalbu".

Član 3.

U tarifnom broju 1. stav 1. tačke a), b), c), d), f), g) i h) zamjenjuju se tačkama a), b) i c) koje glase:

- do 1000,00 KM vrijednosti 5% takse,
- do 5000,00 KM vrijednosti 4% takse,
- na iznose preko 5000,00 KM vrijednosti 3% takse, a najviše 10000,00 KM takse.

Član 4.

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-26152/09
22. oktobra 2009. godine
Sarajevo

Predsjedavajući
Skupštine Kantona Sarajevo
Dr. Denis Zvizdić, s. r.

Na osnovu člana 18. stav 1. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04) Skupština Kantona Sarajevo, na sjednici održanoj 22. oktobra 2009. godine, donijela je

ZAKON

O IZMJENAMA I DOPUNAMA ZAKONA O POSREDOVANJU U ZAPOSŁJAVANJU I SOCIJALNOJ SIGURNOSTI NEZAPOSLENIH OSOBA U KANTONU SARAJEVO

Član 1.

U Zakonu o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", broj 4/04) u članu 4. stav 2. iza riječi: "Ministarstva za rad, socijalnu politiku, raseljena lica i izbjeglice" otvara se zagrada i dodaju riječi: "u daljnjem tekstu: Ministarstvo" i zatvara zagrada.

Član 2.

U članu 5. stav 1. alineja 6. mijenja se i glasi: "- stimulisanje zapošljavanja demobiliziranih branilaca Bosne i Hercegovine u skladu sa propisima koji uređuju prava ove kategorije građana".

Član 3.

U članu 6. stav 1. alineja 7. mijenja se i glasi: "- finansiranje i sufinansiranje programa samozapošljavanja odnosno programa za mikro i porodična preduzeća".

Alineja 8. briše se.

Dosadašnja alineja 9. postaje alineja 8.

Član 4.

U članu 7. stav 1. riječi: "Vlade Kantona" brišu se. Stavovi 2., 3. i 4., brišu se.

Član 5.

Član 8. briše se.

Član 6.

Član 9. mijenja se i glasi:

"Programom se, pored definisanja pojedinačnih podsticajnih mjera, utvrđuju i finansijska sredstva, kriteriji i rokovi realizacije svake od predviđenih podsticajnih mjera.

Kantonalna služba u roku od 15 dana od dana utvrđivanja Programa objavljuje javni poziv za učestvovanje u realizaciji

Programa, najmanje u jednom dnevnom listu koji izlazi u Kantonu i na web stranici Kantonalne službe."

Član 7.

U članu 27. stav 1. riječi: "i gubi prava po osnovu nezaposlenosti." zamjenjuju se riječima:

"prestaje se voditi na evidenciji nezaposlenih osoba."

U stavu 2. riječi: "ne može ponovno biti evidentirana u Kantonalnoj službi prije isteka godinu dana od dana brisanja iz evidencije nezaposlenih" zamjenjuju se riječima: "mogu se ponovno prijaviti na evidenciju nakon prestanka okolnosti zbog kojih su se prestale voditi".

Član 8.

U članu 28. stav 2. riječi: "poziv na služenje vojnog roka, dugotrajna vojna vježba", brišu se.

Član 9.

U članu 31. stav 1. iza tačke b) dodaje se nova tačka c) koja glasi:

"c) penzijsko i invalidsko osiguranje."

Član 10.

U članu 39. stav 1. alineja 6. mijenja se i glasi: " - podnosi Vladi i Skupštini Kantona godišnji izvještaj o radu, izvještaj o izvršenju finansijskog plana, te finansijski plan i program rada".

Član 11.

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-26153/09
22. oktobra 2009. godine
Sarajevo

Predsjedavajući
Skupštine Kantona Sarajevo
Dr. Denis Zvizdić, s. r.

Na osnovu čl. 11., 14. i 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04) i presude Ustavnog suda Federacije Bosne i Hercegovine broj U-4/05 ("Službene novine Federacije BiH", broj 5/06), Skupština Kantona Sarajevo, na sjednici održanoj 22. oktobra 2009. godine, donijela je

ZAKON

**O IZMJENAMA ZAKONA O PREUZIMANJU,
IZMJENAMA I DOPUNAMA ZAKONA O ZAKUPU
POSLOVNIH ZGRADA I PROSTORIJA**

Član 1.

U Zakonu o preuzimanju, izmjenama i dopunama Zakona o zakupu poslovnih zgrada i prostorija ("Službene novine Kantona Sarajevo", broj 14/97) čl. 5., 10., 11. i 18., brišu se i prestaju da važe u skladu sa presudom Ustavnog suda Federacije Bosne i Hercegovine broj U-4/05 od 08.11.2005. godine ("Službene novine Federacije BiH", broj 5/06) danom objavljivanja presude.

Član 2.

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-26151/09
22. oktobra 2009. godine
Sarajevo

Predsjedavajući
Skupštine Kantona Sarajevo
Dr. Denis Zvizdić, s. r.

Na osnovu člana 18. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04) i člana 193. Poslovnika Skupštine Kantona Sarajevo ("Službene novine Kantona Sarajevo", broj 12/05 i 7/08), Skupština Kantona Sarajevo, na sjednici održanoj 22. oktobra 2009. godine, donijela je

ODLUKU

**O RAZRJEŠENJU MINISTRA U VLADI KANTONA
SARAJEVO**

I.

AIDA HAVERIĆ, razrješava se funkcije ministra finansija Kantona Sarajevo, na lični zahtjev, zbog bolesti.

II.

Sva prava iz radno-pravnog odnosa ostvarit će u skladu sa Zakonom radno-pravnim statusom članova Vlade Kantona Sarajevo.

III.

Ova Odluka objavit će se u "Službenim novinama Kantona Sarajevo".

Broj 01-05-26161/09
22. oktobra 2009. godine
Sarajevo

Predsjedavajući
Skupštine Kantona Sarajevo
Dr. Denis Zvizdić, s. r.

Na osnovu člana 18. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04) i člana 196. Poslovnika Skupštine Kantona Sarajevo ("Službene novine Kantona Sarajevo", broj 12/05 i 7/08), Skupština Kantona Sarajevo, na sjednici održanoj 22. oktobra 2009. godine, donijela je

ODLUKU

**O POTVRĐIVANJU ODLUKE O IZBORU MINISTRA U
VLADI KANTONA SARAJEVO**

I.

Potvrđuje se Odluka Komisije za izbor i imenovanja i administrativna pitanja o izboru MUHAMEDA KOZADRE za ministra finansija u Vladi Kantona Sarajevo.

II.

Ova Odluka objavit će se u "Službenim novinama Kantona Sarajevo".

Broj 01-05-26162/09
22. oktobra 2009. godine
Sarajevo

Predsjedavajući
Skupštine Kantona Sarajevo
Dr. Denis Zvizdić, s. r.

Na osnovu čl. 22. i 24. Poslovnika Skupštine Kantona Sarajevo ("Službene novine Kantona Sarajevo" - Prečišćeni tekst, br. 12/05 i 7/08), Skupština Kantona Sarajevo, na sjednici održanoj 22. oktobra 2009. godine, donijela je

ODLUKU

**O RAZRJEŠENJU I IZBORU PREDSEDAVAJUĆEG
KOMISIJE ZA BUDŽET I FINANSIJE SKUPŠTINE
KANTONA SARAJEVO**

I.

MUHAMED KOZADRA (SDA), razrješava se dužnosti predsjedavajućeg Komisije za budžet i finansije Skupštine Kantona Sarajevo, zbog podnesene ostavke usljed sukoba interesa.

II.

U Komisiju za budžet i finansije Skupštine Kantona Sarajevo, za predsjedavajućeg bira se AHMO ČENGIĆ (SDA).

III.

Ova Odluka objaviće se u "Službenim novinama Kantona Sarajevo".

Broj 01-05-26159/09
22. oktobra 2009. godine
Sarajevo

Predsjedavajući
Skupštine Kantona Sarajevo
Dr. Denis Zvizdić, s. r.